

სახელმწიფო შემოღვევის შესახებ ხელშეკრულების პროექტი

წინამდებარე ხელშეკრულება დაიდო ——— წლის ——— „ ——— “ ქ.თბილისში
შემსყიდველი - სსიპ იურიდიული დამხარების სამსახური ————— სახით,
მისამართი:
საბანკო რეკვიზიტები:

მიმწოდებელი -	
მისამართი, ტელეფონი -	
დირექტორი -	
საბანკო რეკვიზიტები	

ერთის მხრივ - შემსყიდველი და მეორეს მხრივ - მიმწოდებელი, ადასტურებენ, რომ მათ შორის
მიღწეულია შეთანხმება შემდეგზე: შემსყიდველმა გამოაცხადა ელექტრონული ტენდერი (---)
შესყიდვაზე:

(მომსახურების მოკლე აღწერა)

რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის
მიხედვით მან უნდა გაუწიოს შემსყიდველს ზემოაღნიშნული მომსახურება დანართი 1-ში
მოცემული ფასების შესაბამისად შემდეგ თანხაზე:

(მიუთითეთ ხელშეკრულების თანხა ციფრებით და სიტყვიერად)

(შემდგომში „ხელშეკრულების ფასი“)

წინამდებარე ხელშეკრულება აღასტურებს შემდეგს:

1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და
წარმოადგენენ მის განუყოფელ ნაწილს, კერძოდ:
- ა) წინამდებარე ხელშეკრულება;
 - ბ) ფასების ცხრილი (დანართი №1);
 - გ) ინფორმაცია ავტოსამრეცხაოების შესახებ (დანართი №2);
 - დ) ტექნიკური დავალება;
 - ე) ხელშეკრულების სპეციფიკური პირობები.

შემსყიდველის მხრიდან

მიმწოდებლის მხრიდან

საეციფიკური პირობები

ერთის მხრივ - შემსყიდველი და მეორეს მხრივ - მიმწოდებელი, ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულების საბანო

1.1 ავტომატური რეცხვის მომსახურება, ტექნიკურ დავალებაში და დანართი №1-ში მოყვანილი რაოდენობებისა და პირობების შესაბამისად.

2. ხელშეკრულების ღირებულება

2.1. გასაწევი მომსახურების საერთო ღირებულება შეადგენს _____ ლარს, საქართველოს კანონმდებლობით დადგენილი შესაბამისი გადასახადების გათვალისწინებით.

2.2. გასაწევი მომსახურების ღირებულებები მითითებულია დანართი №1-ში.

2.3 ანაზღაურება „მიმწოდებელთან“ განხორციელდება მის მიერ ფაქტობრივად გაწეული მომსახურების მიხედვით, შესაბამისად ხელშეკრულების მოქმედების ვადის ამოწურვის მომენტისათვის ხელშეკრულების საერთო ღირებულებიდან გამოუმუშავებელი თანხა დარჩება „შემსყიდველთან“ და იგი არ წარმოშობს მხარეებს შორის რაიმე დამატებით ვალდებულებებს.

3. მხარეთა უფლება-მოვალეობანი

3.1. მიმწოდებელი იღებს ვალდებულებას ამ ხელშეკრულების პირობების შესაბამისად ხელშეკრულების გაფორმების დღიდან - 2019 წლის 31 დეკემბრის ჩათვლით, ტექნიკური დავალებით გათვალისწინებული პირობების შესაბამისად გაუწიოს შემსყიდველის ავტომატურ რეცხვის მომსახურება ოპერატიულად, დანართი №1-ში მოცემული რაოდენობებისა და პირობების შესაბამისად, დანართ №2-ში მითითებულ ავტოსამრეცხაოებში.

3.2. მიმწოდებელი ვალდებულია მომსახურების გაწევის პროცესში გაითვალისწინოს შემსყიდველის ყველა ის შენიშვნა, რომლებიც დაკავშირებულია კანონმდებლობით დადგენილ ტექნიკურ ნორმებთან, აიღოს პასუხისმგებლობა მის მიერ გაწეულ მომსახურების ხარისხზე, დაიცვას აღნიშნულ სფეროში მოქმედი სტანდარტები.

3.3. შემსყიდველი ორგანიზაცია ვალდებულია ხელშეკრულებით ნაკისრი ვალდებულებების სრულად და ჯეროვნად შესრულებისათვის აუნაზღაუროს მიმწოდებელს გაწეული მომსახურების საფასური.

3.4. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

3.5. შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.

4. მომსახურების მიღება-ჩაბარების წესი

4.1 გაწეულ მომსახურებაზე მხარეები ადგენენ მიღება-ჩაბარების აქტ(ებ)ს, რომელშიც მითითებული უნდა იყოს გაწეული მომსახურების რაოდენობა და ღირებულებები.

4.2. გაწეული მომსახურების მიღება დასტურდება შესაბამისი მიღება-ჩაბარების აქტ(ებ)ით, ფაქტიურად გაწეული მომსახურების შესაბამისად. გაწეული მომსახურების მიღებას აწარმოებს სსიპ იურიდიული დახმარების სამსახურის მიერ გამოყოფილი უფლებამოსილი პირი, რომელიც აგრეთვე უფლებამოსილია ჩაატაროს მომსახურების გაწევის ინსპექტირება, ხოლო მიმწოდებელი ვალდებულია ხელი შეუწყოს მას ინსპექტირების ჩატარების დროს.

5. გასაწევი მომსახურების ხარისხი და გარანტია

5.1. მიმწოდებელი იძლევა გარანტიას რომ ავტომატურ რეცხვის მომსახურება გაწეული

იქნება მაღალხარისხოვნად, აღნიშნულ სფეროში მოქმედი სტანდარტების, ნორმებისა და ტექნიკურ დავალებაში მოყვანილი პირობების დაცვით, აგრეთვე დანართი №1-ში მითითებული რაოდენობებისა და პირობების შესაბამისად, წინააღმდეგ შემთხვევაში იგი ვალდებულია საკუთარი სახსრებით, თავად უზრუნველყოს ხარვეზის აღმოფხვრა მაქსიმალურად შემჭიდროვებულ ვადებში, არაუგვიანეს 1 (ერთი) სამუშაო დღისა.

5.2. ამ ხელშეკრულებით გათვალისწინებული მომსახურების გაწევის პერიოდში, გაწეული მომსახურების შედეგად შემსყიდველზე ან/და მესამე პირზე მიყენებული ზიანის რისკი მთლიანად ეკისრება მიმწოდებელს.

6. ანგარიშსწორება

6.1. ანგარიშსწორება მიმწოდებელთან განხორციელდება ლარებში.

6.2. ანგარიშსწორება განხორციელდება ეტაპობრივად ან/და მთლიანად, ფაქტიურად გაწეული მომსახურების ღირებულების მიხედვით შესაბამისი აქტ(ებ)ის გაფორმებიდან 10 (ათი) სამუშაო დღის განმავლობაში.

6.3. ანგარიშსწორების ფორმა იქნება უნაღდო. გადარიცხვა მოხდება ხელშეკრულებაში მითითებულ მიმწოდებლის საბანკო ანგარიშზე.

6.4. 6.2 პუნქტის შესრულებისათვის წარმოდგენილი მიღება-ჩაბარების აქტ(ებ)ის სისრულეზე და რეალობაზე პასუხისმგებელია 4.2. პუნქტში მითითებული პირ(ები).

6.5. ანაზღაურება „მიმწოდებელთან“ განხორციელდება მის მიერ ფაქტობრივად გაწეული მომსახურების მიხედვით, შესაბამისად ხელშეკრულების მოქმედების ვადის ამოწურვის მომენტისათვის, ხელშეკრულების საერთო ღირებულებიდან გამოუმუშავებელი თანხა რჩება „შემსყიდველთან“ და მასზე რაიმე მოთხოვნის წყენების უფლება „მიმწოდებელს“ არ გააჩნია.

7. ხელშეკრულებაში ცვლილებების შეტანა

7.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

7.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

7.3. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში, მათ შორის საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

7.4. ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს ხელშეკრულების ღირებულების 10%-ს.

8. უფლებების გადაცემა

8.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო

ასიგნებების მკვეთრი შემცირებით და სხვა.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიყენოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9.4. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

10. მხარეთა პასუხისმგებლობა ხელშეკრულების პირობების დარღვევისათვის

10.1 შემსყიდველი უფლებამოსილია ხელშეკრულების სპეციფიკური პირობებით გათვალისწინებული 3.1 და 5.1 პუნქტებით (ყოველ კონკრეტულ შემთხვევაზე) გათვალისწინებული პირობების, ასევე ნებისმიერი სხვა პირობის დარღვევის შემთხვევაში, ყოველ კონკრეტულ ფაქტზე დააკისროს მიმწოდებელს პირგასამტეხლო ხელშეკრულების საერთო ღირებულების 2.5%-ის ოდენობით.

10.2 შემსყიდველის მხრიდან 6.2 პუნქტით გათვალისწინებული ვადის დარღვევის შემთხვევაში მიმწოდებელი უფლებამოსილია ყოველ კონკრეტულ ფაქტზე დააკისროს შემსყიდველს პირგასამტეხლო ყოველ ვადაგადაცილებულ დღეზე შეუსრულებელი ვალდებულების 0.02 % ოდენობით.

10.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.4 მიმწოდებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში შემსყიდველი უფლებამოსილია დააკისროს მიმწოდებელს ჯარიმა ხელშეკრულების ღირებულების 5 %-ის ოდენობით.

10.5 იმ შემთხვევაში თუ 10.1. პუნქტის შესაბამისად დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 %-ს შემსყიდველ ორგანიზაციას აქვს უფლება ცალმხრივად შეწყვიტოს ხელშეკრულება.

11. სხვა პირობები

11.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს **2020 წლის 31 იანვრის ჩათვლით**.

11.2 მხარეთა შორის სადაო საკითხები წყდება მხარეთა მოლაპარაკებების გზით. შეთანხმების მიუღწევლობის შემთხვევაში სადაო საკითხს განიხილავს სასამართლო.

11.3 ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.

11.4 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა შეატყობინოს მეორე მხარეს 10 დღით ადრე.

11.5 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დარჩენილი ვალდებულებების შესრულებისაგან.

11.6 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

11.7 ეს ხელშეკრულება დადებულია სატენდერო დოკუმენტაციითა და გამარჯვებული პრეტენდენტის (ამ ხელშეკრულებით – მიმწოდებლის) ტექნიკური დოკუმენტაციით გათვალისწინებული პირობების საფუძველზე.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად.

შემსყიდველის მხრიდან:

მიმწოდებლის მხრიდან:
